

郷土資料 十三

安永二癸巳七月

安永華客問答

平 信 友 識

西之表市立図書館

安永華客問答

平 信友識

安永二癸巳林鐘廿一日、唐船一隻飄到於坂井村熊野傍乃示一紙、廿二日村長持來達赤尾木廳。
一、本船五月廿二日、唐山開駕因風不須収在貴地、祈本島頭目、發付小船六十艘 立即將本船牽入好港以便往崎

一、本船要用大鉄猫一門祈即付下

二頭目美座時用 渡辺綠郎即發府、予亦主通事之事而行、鮫島宗房 吉良氏房、為通事而通宵揚鞭正馬、曉來漸抵熊野

廿三日、有求蔬菜等、書 畧之

頭目商量先贈諭單 氏房 筆之

諭單

客船欲往何処呢船主及商客水梢等通船若干人、所裝載貨物或軍器有無逐一報單呈看
才一南蛮入廟之人、并班猫、信石等本國大禁、如有此情罪及通船之衆等

近年來販長崎諸港商船皆有牌照、本船船主有牌照麼

右諭特遵

上令伝示如之莫犯国法、人数名冊依常例、速々報來

大隅国種子嶋

頭目

安永癸巳

六月廿三日

船主

崔公

知悉

即有報單開于左

蒙

諭已知悉、本船今欲往長崎 通船客目人等共計六十七人 所裝貨物并無犯禁之貨亦無□器、亦無南蛮入席之人、帶來

日本信牌、係廈門蔣培之名字、本船刻洋中、拋碇甚為風浪、堪虞懇祈

大隅国王速々發付小船六十艘唐通事一人、牽入□拋碇地方、以便往崎為感

安永二年六月 廈門船主·崔輝山 印

再本船缺少米柴水菜等物速々給付為感

唐山愈浦五月廿二開船至此

人名冊未写來、故再廿二日贈書求之

宗房筆之

前寄一紙所報逐一不詳、請願細々告吾、于人名冊二通可書記之、此我朝之國法也、勿怠之、

船主客衆水梢等共幾人明開其年歲姓各信何佛神等、具可書記之、船上貨物不許隱藏每品可書之、

本書並記其國其所、不細明請逐一可書所報是矣

大隅国種子嶋頭目

安永二

船主

収覽

既而贈人名冊記于左

通船人名冊

通船人名開列於左

船主	崔輝山	年四十七歲	
財副	魏翔臻	年二十九歲	
"	唐楚珍	年四十一歲	
總管	邱仁瑞	年四十一歲	
夥長	徐元癸	年四十九歲	祀關帝
舵工	余正魁	年四十歲	祀媽姐
"	何明可	年四十三歲	"
工社	鄭寧順	年二十七歲	"
	柯伏乞	年三十歲	"
	林文明	年三十二歲	"
	張恒祿	年四十歲	"
	陳連弟	年三十二歲	"
	林如灼	年四十歲	"

林喜弟	年二十六歲	祀媽姐
洪朝和	年三十歲	"
陳有剛	年二十六歲	"
陳則漢	年三十六歲	"
林得海	年二十四歲	"
歐能規	年五十歲	"
柯國山	年三十二歲	"
李興福	年二十二歲	"
刻倚謙	年三十六歲	"
刘海弟	年三十七歲	"
林志相	年四十歲	"
張良富	年四十歲	"
吳永祥	年四十二歲	"
黃万玉	年四十三歲	"
蔡和中	年二十七歲	"
唐道三	年四十八歲	"
鄭伝錦	年二十七歲	"
周和山	年二十七歲	"
姜來進	年二十六歲	"

陳得寔	年三十六歲	祀媽姐
有光可	年四十歲	"
夏二規	年二十七歲	"
魏公澤	年二十四歲	"
林芳枝	年二十六歲	"
林國標	年四十歲	"
刘權弟	年二十歲	"
陳孝德	年四十二歲	"
林德新	年二十五歲	"
林道寔	年二十六歲	"
陳鳳卿	年三十歲	"
陳遞哥	年三十六歲	"
陳即美	年二十九歲	"
刘一弟	年二十二歲	"
魏宏大	年三十歲	"
鄭茂慶	年二十四歲	"
王国保	年三十六歲	"
葛三規	年三十三歲	"
顧臨規	年三十三歲	"

陳旺第	年二十二歲	祀媽姐
翁伏成	年三十五歲	〃
王鸞弟	年三十歲	〃
陳孝向	年二十五歲	〃
鷓漢粲	年五十歲	〃
魏受臻	年二十七歲	〃
朱紫九	年五十歲	〃
閻朝規	年三十六歲	〃
夏阿六	年三十歲	〃
王宗德	年二十六歲	〃
隨使 車御中	年五十六歲	〃
富有	年二十二歲	〃
來寶	年二十四歲	〃
陳大規	年三十歲	〃
徐閔林	年二十四歲	〃

以上共計六十七人

一求領花駝馬六十七切

安永二年六月 日已番廈門船主崔輝山

苗例使渠書名冊二卷、故贈書再求之 宗房筆之

前送賜人名冊今一冊可寫之今一冊無之時不許開駕、此所不善之地也、早牽本船到好港今一冊火速可寫之

種子鳴頭目

安永二

船主 收覽

既而再人名冊亦寄紙開于左

此處地方不好拋碇、心甚不安、祈速々叫齊小船六十艘、今日住憑麼入好拋碇地点方、方保不虞

頭目議貼紙記于左 氏房筆之

- 一、新請鉄猫米糧等今日欲応求
- 一、自此當北方有好港今日須將小船數隻牽引本船至彼地
- 一、本船頭腦的人兩個須駕吾小舟 常例傳示、莫敢背国法
- 一、塩噌柴菜壳用不壳用

一、鉄猫一門、繩索一条、收明存照 有書、宗房筆之、此畧 船主打印書如左

手天子駕唐船同行三人 上妻真兼、上妻宗弘、吉良氏房 船主崔輝山

勸茗菓予賦詩一絶示之

聞說厦門萬里船 即今飄蕩扶桑辺

瘴烟深処君無恨 他日好風得快然

右乞攷削

一人即書伝 此人則魏翔臻也

大方

唐人翔 又書云

通事幾日到此 盖謂通華音者乎

氏房書云

未知

唐人前 又書云

宝山何名

予則書云

熊野山

予又書云

請題熊野山

唐人前 口答云、曾呂々々

予又書云

問姓名

彼書云

魏翔臻

予又書云

船中畜生禽類麼

魏即使一人把來帳中籠鳥而示之乃書云

紅鸚鵡綠全

氏房書云

作人語奇也

問價、魏書云

五十目

氏房又書云

船底何尺

魏書云

五間深

予又書云

予又書云

所請船中頭腦的人兩個未駕吾小船速可駕、無違

魏即呼船中人使二人駕吾舟乃書云

二頭目已々到宝舟

予又書云 是予未見人名冊之時

船中所在客姓名如何、逐一示之

魏書云

苗例往崎呈報

予又書云

六十七人無疑麼

魏點頭少焉一人出張中、魏指之乃書云

船主崔公

予又書云

崔公官如何

魏書云

係唐山六品官銜

魏又書云

此地到長崎有多少里

予書云

七百里餘

魏云日本七十里欠、予點頭、魏又書云

此地離薩摩有路多少路程

予書云

日本四十八里

魏又書云

此地牽船可用等長崎四文否

予書云

可用

魏又書云

此處碇地不好、今日務必伝齊小船至北港拋碇方好

予書云

領命

既而吾濟辞唐船帰及夕陽、頭目欲駕彼□豫寄一紙

我濟欲駕客船 莫怠慢

六月廿三日 種子嶋 項目

船主崔公

及期慶陽官使宅萬氏西氏、我頭目美座時用

等駕唐船、予及氏房等亦然、乃勸茗□□

方会魏先書云

船中正人数一斉

魏書云

六十七人

氏房又書云

頭目欲改□

魏又書云

先前携去 彼以為
名冊乎

魏書云

此地拋碇不好

氏房書云

舟不足明朝開港

予又書云

牽船多集風不須

魏書云

明朝准行可也

氏房書云

做當的兩個在港內的時候都要上來□□吃飯、那時候你們眾人裡頭先飯的
人兩個□來換番

魏書云

須叫小船來到大船邊停泊好輪替吃飯

及日已欲暮官使及吾濟皆歸去

廿四日、豫叫齊小船數十隻、欲牽彼向北、吾濟已到村南沙洲時彼贈一紙急催准行如左

本船到此已經四日、昨云今日一定准牽本船停泊好港、候至此刻未見動靜、此處碇地不好

□有不虞□□乃彼此不便祈各位頭目、速為籌畫現在其港、若□小船四十艘暫將_二本船_一
牽入好港、俟陸續到時為補_二湊六十艘之數_一可也

六月二十四日

崔輝山

既而甃多少小船共牽引唐船而向北港、吾儕亦在小船、少焉予與宗弘氏房駕唐船、真兼等亦來、
即會魏、彼乃書云

本船今日牽入好港停泊之後、但船中人衆每日柴水魚菜動用浩繁昨日付來魚菜等、物尚不
敷一餐之用、將來務必□々应付方為妥當

予點頭、魏乃示所賦詩二絕、開于左

題熊野山

水碧山青野樹深 凝勝徒悵少登臨

石尤作崇雲帆捷 寂莫舟窓懶咏吟

新秋贈大隅國各頭目

傳消息藉群英 操管胸臆事々□

夢裏不期來隅國 眼前蕭瑟一時生

魏翔臻拜草

予閱之卒和一絕示之

熊野山頭雲樹深 舟窓只恨少登臨

仙郎方氣本清賞 無限風流在咏吟

右和

□韻併云謝

魏即書云

平信友拜稿

拙句一無可取何得謬贊若是矣所不當也

予又書云、乞改削

魏云與嘉□又有邱仁端者、乃示二絕於予開于左

吾舟隨風流至熊野山、多蒙請君照□故作俚句二首以示不忘云

一派青山景色斷 熊峯港內暫停舟

羨君風雅柔情重 日月書胸便不□

海國風光別一天 乘槎破浪路萬千

蒼穹有意名人會 直抵熊山見若仙

邱仁瑞草

予又卒和一絕記于左

江上危峯綠色□ 仙郎賦就倚行舟

交情日夕感知已 別後瞻望不可休

右和

高韻兼云謝

予又對魏書云 是乃使口書予

扇故言乃此

名筆堪可賞祖何氏乎

魏又書云

頗曾□過趙文頰体但效顰

予又書云

趙文頰即子昂乎

魏點頭、魏又書云

此處山上有產何物否

予又書云

山中只松柏而已山西有曲江佳景也

魏問此去直可至長崎乎、予書云

此地屬薩洲有國命須送薩洲山川浦

魏乃書薩洲二字傍云

即薩摩

予點頭、魏又書云

請位住居係在山內更有別所

予書云

此去九里有西北

魏書云

是何地名

予書云

曰赤尾木

魏又書數行如左

赤尾木係貴地、近年米價每石幾何、魚肉菜等其價幾何、山上有頭目□人烟幾許、船隻幾許 出產蔬菜何物、山有多少遠近

予云曾呂々々、魏點、魏又書云

雞

予書云

少

魏又書云

此地既係薩摩屬島、何得号有国王、此處有大頭目否

予書云

有大頭目、其外上下數位

水路已到增田村前洋、吾儕去唐船又駕船、行々予詠倭歌一首以示宗弘氏房等

女俱留曾乃奈美地母遠之那礼那礼奴茂呂古志婦祢仁由久惠渡波礼天

吾水梢等欲使被挂帆、彼乃贈書

此刻風色不須小船挂帆、大船不能、直進反覺就遲祈介助令小船收起布帆、努力擺槽轉過

山頭、風好再為挂帆、今晚便可早到好港、彼此俱安心矣

臨安城村前洋日將暮、客船呼通事、氏房乃行 此時雲起雷東、氏房有對話、畧之 彼所示書如左

此刻天色將晚、本船尚未能牽到好港、但黑夜牽船須令小船二艘在前指揮起搖勿令參差不

齊、更令一船在前、山嘴浮礁眼前多點火號以便行舟、着頭端此所即吩咐施行為感

既而日暮漸川脇前洋、頭目議贈紙如左 氏房筆之

暗夜不能牽引本船、此海底碇地可也、可拋碇

彼乃拋碇而後偕至陸投宿

廿五日夙發小船、再牽彼去、予与宗弘豫乞頭目而陸行、天色清和舟行亦不遲、既而船到浦

田御崎、時解繩索放吾小船、頭目等疑之乃贈一紙□

頭目等勞心志牽引本船、今即解纜何故、逐一不曉得速報來

即有報單開于左

刻來字問何故解纜、但本船勿比小船駛法須離山嘴浮礁遠此々方保、無虞適間太近山辺、恐

有暗礁、不得解索、遠避以保萬全耳

崔輝山具

衆頭目照

及申刻舟船已到浦田江口、使彼拋碇時赤尾木飛檄至告牽彼到赤尾木、故又欲舟行裁書贈唐船 氏房筆之

此港甚淺而有礁、自此欲牽到南方之港

彼乃呼通事、氏房即行彼書云

此處拋碇有礁聞欲牽往南港甚好、但未知何時、牽去南港尚有幾許遠近、祈為示知

氏房書云

南港自是三里到于暮時

彼又書云

刻在船引港缸工看来港路不甚熟識須老練北方好遵裁□□方好

氏房書云

交易缸工可也

彼又書云

船中水甚缺飭令小船送三四甁方好

氏房書云

曉得

既而氏房婦小船、乃応求使小船一隻贈水時予与宗弘陸行到此、聞舟船南去駕小船共發此行々日暮、潮波南來舟行甚遲及至大崎、南風忽來激波大起、加以急雨、蟻船力不堪分離四方、唐船乃拋碇於此頭目等所駕船半夜漸抵赤尾木、予所駕小船辛苦而再入浦田

十六日、朝來雨大降、予与宗弘發浦田凌雨陸行、行々天氣情爽、西望水路蟻船亦牽客船南往、海陸同時已刻到赤尾木、乃使彼拋碇、彼前夜書開于左

今夜黑暗雞牽暫為拋碇、祈令小舟不可散開、即在舟後帶纜、明日清晨便好起牽至港矣

今晨彼書如左

今日天氣晴和急々擰進好港、恐下午天變做風有祈未便也

晚來予駕唐船西村時相同行 布氈勸 茗前同 会魏彼乃書云

連日在費清心、本船已泊好港、但往薩洲文今日可曾起身否

予書云

明日可也

予又書云

先前所遭大鉄猫索皆暫今日可返之、亦有要用速可遣

魏書云

但今携去明日可來付否

予書云

可応求

魏又書云

此處係赤尾木地方、前日所云君家諒住此地乎

予點頭、彼又書云

此上同僚頭目共有幾位

予答云、六人彼點頭、彼又書云

此上有麵粉否

予云有、彼又書云

船中需用二十斤祈為明日給付

予點頭、彼又書云

今日來付米蔬菜甚少不敷用、明日可多付此々更有魚雞蛋不論多少、此々下船而小魚亦好

予點頭、彼又書云

麥粉

予云有、魏見時相書云

此位頭目与君家同住此港否

予點頭 彼又書云

此位頭目祈留姓名

予答云

平時相

魏傍書向平姓時相□予點頭、彼又書予姓名

乃書云

係同宗□身

予書云

此姓浩繁分派甚遠

魏點頭 予書云

祈乞賦此港景色

魏點頭、彼示二絕於予開於左

荷月廿四晚舟行熊野山傍即景

石洞隄迎崑路蒼 瓊江乍海雨茫茫

蟻船引我征帆去 遮莫鳴中野火煌

錦々彤雲起北方 秋高氣爽漸生涼

星河影約天濛霧 無限淒其熊野傍

予指乍海二字書云

不解

魏書云

係唐山開船之所地名乍浦

予又書泚字問之 乃熊野山 魏書云

詩有此字 凝聚而不散之意也

予又書云

福州大守姓名怎樣

魏書云

此乃不定逐更換現在姓張

魏又書云

所云鉄猫今日携去務必明日付來方好

予書云

可乞頭目吾還後可懇祈

彼又書云

冬瓜有否

予書云

小物可有

予又屬一紙於魏乞書大字乃書云

一紙兩箇截斷可書

彼點頭少焉宗房來告即云做當的兩人甚憂吃飯之事、予乃對魏書云

所在小船兩頭目此地調羹不堪、今夕一飯之調味須本船吩咐付來

魏書兩頭目三字傍云

係做當□否

予點頭、魏又書云

船中並無菜羹若蒙山上給付、此々可也免得逐餐通送不便
予書云

菜頭多々明日務可付來今夕須本船吩咐

彼応諾即贈二器彼又書云

山上有豆腐壳否

予書云

此地冬有其餘無

彼點頭既而日暮吾侪辞唐船歸

廿七日、彼寄書開于左

本船前日送来鉄猫祈飾令小船三艘來到船邊拋碇為感

及申刻魔陽官使本田氏駕唐船、予及宗房等亦然、予以所賦詩四絶示魏与邱如左

熊野江邊傾盖時、清容先識是我師

高山流水君須鼓 莫道殊方少子期

右寄懷於翔臻先生

一夜征帆發北方 滿天風雨氣清涼

懷中本自有趙壁 前路不迷熊野傍

右和翔臻先生舟行即景 平信友拜稿

舟船相与度滄波 江路漫々風雨多

熊野山邊能作賦 赤城秋色又如何

客船萬里向津來 秋雨蕭々赤水隈

詩和文□須解問 諸君綵是洛陽方

右寄懷

仁瑞君二首

平信友拜稿

予对魏書云

乞改削

魏乃書云

詞逸韻妥 母容画蛇添足

邱示所賦詩三絶於予開于左

船在天堂山望風

南來一帶水流低 終日望東風又西

黑暗茫々飄何處 滿懷時切五□雞

題赤尾木島

赤尾嶼頭水月灣 兩邊巖石列方端

山居自得義人趣 堪哂皇々名利鑽

四海茫茫建一畝 雲間樹裏萬家烟
清静弗生塵市氣 分明自是武陵仙

邱統晉稿

予又对魏書云

昨所云大字如何

魏書云

尚未写明日也

予又請書別楮

是依真兼之請也

乃書云

小字

彼點頭、彼又書云

今日所□鉄猫刻即付来否

予書云

可告頭目

彼又書云

刻已求過頭目未見付来未知此處現在可有否

予書云

現在可有

魏見本田氏書云

此位大頭目係何地到此

予書云

昨日所求魚水未見付来

宗房書云

俟明日可也

予書云

邱君今在何處

魏指點、予又書求領花駝馬六十九字



及書云

不解

魏書云

北乃向例到喻求領 館送妓之物也即日本人別切

予書云

此地無如此例

予又書云

唐詩一絕即今可高吟

魏乃吟三四首、予又書云

昨所請扇子書否

魏云明日、既而官使及吾侪歸陸

廿八日、頭目議欲□彼開港、於茲氏房先行宗房相尋行二人接魏应对之書共開于左

通事 今日順風須開港至于山川港

魏 山川港係何地方

通事 薩摩之內

今日風雖好、須領備小船五十艘、方好進港之用無小不能開駕、洋中駛風不用小船進港口、倘無小船大船方能放也

本船業已撥牽不便自為開駕、須與頭目商量多僱小船牽送方保無虞倘不給付小船、本船万々不能開駕、遲悉日期將來彼此不便泛長計議方好□本船□□於長崎美辨上用、遵依之物甚多此刻須早赴去方好

通事

今日大順風也到山川無疑、吾頭目水梢默識今有順風、客船切賴吾小舟之力、自此西方有指引小舟、亦可遣小舟、曉得々々

有付小舟四五十隻、今日開駕可也、明日給付開駕

通事

到明日必有西風高大必開駕

魏

今日已徑午刻即欲開駕亦不及、現在梶二門起帆上 天已黑矣、如何去得速□叫齊小舟方好明日開駕

既然此地有石礁、前田不□拋此也、

通事

吾水梢勞心志、何及六十隻貴客勿勞□

魏

本船天下大事、吾頭目勞心志切也、今日有二人來船、諒係引港舵工否、今天色不快暫俟時也

通事

貴客何故不欲開駕乎、今日順風得時於長此地、西風忽來時陸有石礁、可有損破火速可

開駕

魏

本船廿二日、報幸有要用小船六十隻牽本船用今日如此大風此地路途俱不熟識、若無小舟四五十隻同行□雖開駕至石礁、現在山辺甚近、彼是俱要小心亦不得、已俟小船齊時開駕也

開駕也

通事

所求小船四五十隻、不能儕之留止俟三五日則可發付小船二十隻

魏

今日我無閑暇雖欲開駕天色不明今俟時□也、諒薩州回文已來、俟有好天色即可開駕往長崎矣

此應對之間、予又至先接邱、彼乃示所賦詩二絕、開于左

征帆到此歷風波 雞謝東家情許多

文到舟行吾去也 相思兩地竟如何

秋風高爽落桐天 惱恨鸞鐘泊岸邊

幾度堅文文不到 吟詩和韻弗成篇

邱仁瑞 拜尊

予又卒賦二絕示邱、如左

羽客飄々此地過 交遊何日聽笙歌

徒將短引寄離悵 涕泗新添赤水波

江上風情木葉飛 征帆遠向海西歸

雲烟萬里君無厭 懷壁從來照錦衣

右送

魏邱二君右二首 平信友、拜草

又有唐楚珍者、示詩三首於予、開于左

吟隱深山赤尾前 綠水江邊景色鮮
面接繡欄神仙府 風送舟船別有天
鬱々雲山水茫茫 淒々風 到舟藏
靜觀此地春光好 錦繡隅邦彷彿大唐

奉和貴府往居五言詞一首

門前_レ海_レ圍 脩默趣不同

松柏_レ翠 花滿厭欄行

清茗留真味 有向念靜功

北窓高臥處 不讓古人風

唐楚珍 拜草

既而予接魏此時氏房与魏応対未終、氏房頗雖勸開港彼不応、乃出所持信牌示之、且書云
花辺錢係京将軍辨、本船到崎做完生意九月予要回_レ山
予書云

今日風勁吾蟻船不能牽祢大船、今便独往_レ数十日俟和風可也

魏書云

所云俟和風而行甚好、但小船須早為脩俟天一好使好起身

予書云

可商量頭目

魏點頭予又書云

所寄翔臻仁瑞二君先呈邱君

魏點頭予書云

昨所云扇子紙未書可返之

魏書云

少待片時写就帶去

予又卒賦一絶示唐如左

征帆萬里遂風飛 津口瞻望倚石磯
烟霧濛々君莫厭 懷中明月有光輝
楚珍君

既而歸陸頭目議贈一紙、記于左

雖求牽引小船四五十隻、島中可往薩摩者二十隻而已、其餘小船甚小、無可度激波者
彼示書開于左

今日風大本船停泊等用鉄猫並繩祈速々付_レ小船下来為感

彼又有書開于左

船中有商酌、折頭目二位來船面商

晚來予又與兼家駕唐船、乃以所新賦詩四首唐與邱如左

偶繁錦帆赤水前 江山雨缺氣清鮮

羨君遙作他鄉客 書記翩囑□天

不論異鄉俗 操管清談同

江口古檣港 雲伺料日衛

新詩雖能賦 生事東成功

憐爾在辺海 滿懷切順風

右和唐兄芳韻二首

平信友拜草

雲樹蒼々海島巔 南天北渚渺風烟

舟中日々揮毫處 才氣出群是謫仙

微茫烟水暮雲低 無限昏鴉繞岸啼

一曲狂歌君記取 舟船明日大江西

右和邱總管芳韻二首

平信友拜草

又接魏彼乃授所書大字扇等且示詩三絕□□

謹酬

信友先生來原韻

颯々金風問津時 萍逢赤木伎舟師

巴人詞調何堪譽 從此想思米有期

魏翔臻拜艸

赤尾坡前即景二絕

翠繞清波毓秀鄉 宮闈彷彿似吾邦

潭頭不尽山原景 駘馬嘶纏客子腸

赤尾坡前泊艫舟 綠林虛舍共悠悠

山間好景空相思 文杏風流堪興儔

癸巳初秋 魏翔臻稿

邱又示十絕先前所示七首在 開于左

船到天堂望風而作

南來一帶水流低 終日望東風又西

黑暗茫茫飄何處 滿懷時切五更鷄

熊野山會平君

一派青山景色幽 熊峯港內暫停舟
羨君風雅柔情重 日日書胸不可休

海國風光別一天 乘槎破浪路萬千
蒼穹有意才人会 暗引熊山見若仙

咏赤尾木葛

四海茫茫建一巔 雲間樹裏萬家烟
清靜不生塵市氣 分明自是氏陵仙

赤尾嶼頭水月灣 堪晒皇々名到鑽
山居自得義人趣 兩刃岩石列方端

和平君元韻

征航到此歷風波 難謝東君情許多
文到舟行吾去也 相思兩地意如何

秋風高爽落桐天 惱恨鱸鱖伯岸邊
幾度望文文不到 吟詩步韻不成篇

暑氣漸消涼氣生 名山徒恨欠臨登

我遵國法吾當守 憑看江濱駿馬牽

蒼松翠柏插天高 地傑人靈俊秀多
千里有綠君須記 一番離別淚如何

赤水滂々浪趁花 扁舟遠離我君家
別來漫作詩千首 莫笑離腸句不佳
敬錄俚句呈祈

平君斧政 邱仁瑞拜草

予对邱書云

曾聞廈門國姓爺成業之地然否

邱書云

國姓□順天朝並未成業

予又書云

國姓其地用兵否

邱書云

前廈門國□所居之地、後乃順天朝並不用兵

予又書云

廈門去福州府幾許里

邱書云

廈門亦是福建省所管、地方離福州城陸路六日水路五天

予又書云

福州楊龜山眞西山蔡九峰所生否

邱書云

俱產於福州府

予書云

於福州即今學校師資姓名怎樣

邱書云

在省、省有國師、於鄉有鄉師、師無定刃道學高者宗之理學先師姓朱名熹

予又書云

當時道學高者姓名怎樣

邱書云

此時道學極多難以枚舉

邱又書云

明天吾舟已去、諸君不同伴、但不知所到山川港有識唐字人否

氏房書云

山川地從此地広大識字者多

邱書云

有通事否

氏房書云

至多

邱書云

先前聞在船頭目說山川港亦有唐船泊在彼不知有否

氏房書云

如來命伝廈門之船

邱書云

這裏到山川港有多少路程

氏房書云

四十余里到于一日彼地

既而吾儕歸陸

廿九日、朝來予駕唐船、乃接魏示詩一絕如左

奉和、翔臻先生赤尾坡前即景

赤尾津頭停客舟 青山白水望悠悠

毫端幾度雲烟起 徒悵短才不足儔

平信友拜草

且告小船已脩開港至其恨別而歸陸、既而彼則發船向海南而去矣

安永華客問答 畢

安永癸巳秋七月中浣

平信友識

郷土資料集十三

安永華客問答

平成四年三月発行

西之表市立図書館